

四庫全書

經部

欽定四庫全書

經部

古微書卷九至十一

詳校官監察御史

臣施朝翰

刑部郎中

臣許兆椿覆勘

總校官編修

臣

王燕緒

校對官中書

臣

田尹衡

謄錄監生

臣

范鍾

欽定四庫全書

古微書卷九

明 孫穀 編

春秋文耀鉤

太率闡星耀而幽曲言之故曰鉤

東宮蒼帝其精為蒼龍南宮赤帝其精為朱鳥西宮白
帝其精為白虎北宮黑帝其精為玄武

春起青受制

一作蒼帝
春受制

其名靈威仰夏起赤受制

赤帝
夏受

制其名赤熛怒秋起白受制

白帝秋受制

其名白招拒冬起

黑受制

黑帝受制

其名叶光紀季夏六月土受制

一作黃帝受制王四

季其名含樞紐

鎮星黃帝含樞紐之精其體璇璣中宿之分也

中宮大帝其精北極星含元出氣流精生物也一曰中

宮大帝其北極星下一明者為太一之先含元氣以斗

布常是天皇太帝之號也咸池天潢五星五帝居舍也

宋注曰舍庫也五帝居府

按大象列星圖北極五星其第一星為太子第二星最明者為帝第三為庶子餘二後宮屬

文獻通考曰其第四星為后宮第五星為天樞即紐星所為北辰居其所也又太乙一星在紫宮門右天帝之神也主戰鬪知人吉凶天乙一星相近亦天帝神也主使十六神知風雨水旱兵革饑饉疫疾灾害所生之國其勾陳六星在紫微宮華蓋之下隋志云大帝之正妃張衡云大帝所居之宮也亦將軍之象

也勾陳口一星曰天皇亦曰大帝其神曰曜魄寶主御羣靈束萬機神圖也其星隱而不見見則為災而此緯文以極星明者稱為太乙又即為天皇大帝與合誠圖所稱大帝皆指北辰何所傳之殊異至於五帝之座亦不係五星張衡云帝坐有五一座在紫微宮一坐在大角一坐在心中一坐在天市垣一坐在太微宮咸云帝坐一曰神農所居不見則大人當其咎此文以鎮星為含樞紐恐別有傳

斗者天之喉舌玉衡屬杓魁為璇璣

布度定記分州繫象華歧以北龍門積石至三危之野
雍州屬魁星大行以東至碣石王屋砥柱冀州屬樞星
三河雷澤東至海岱以北兗州青州屬璣星蒙山以東
至江南會稽震澤徐揚之州屬權星大別以東至雷澤
一作大別以東至富春九江衡山皆雲夢九江荊州屬衡星荊山西南至岷
山北距鳥鼠梁山屬開星外方熊耳以至泗水陪尾豫
州屬搖星此九州屬北斗星有七州有九但兗青徐揚

并屬二州故七星主九州也

按徐整長歷云北斗七星星間相去九千里其二陰星不見者相去八千里也

關令內傳曰北斗一星面百里相去九萬里亦何寥濶之過矣石氏云一主秦二主楚三主梁四主吳五主燕六主趙七主齊母乃近是

天官書曰杓攜龍角衡殷南斗魁枕參首用昏建者杓杓自華以西南夜半建者衡衡殷中州河濟之間

平旦建者魁魁海岱以東北也此其布度分州所自祖與

斗魁戴匡六星曰文昌宮為天府

按天官書一曰上將二曰次將三曰貴相四曰司命五曰司中六曰司祿

亢為疏廟

宋均云疏外也廟或為朝

房心天帝之明堂布政之所出也

老人星見則主安不見則兵起王者安靜則老人星見

人主偏黨不決則熒惑久留守於樞

水土合則成爐冶爐冶成則火興火興則土之子焠金

成銷鑠則土無子無子輔父則益妖孽故子憂也

星經曰火

與水合為焠與金火守兩河間兵起合為燂水土合為憂主孽卿

春致其時華實乃滋 商絃絕蠶珥絲

女媧以下至神農七十二姓

按譙周古史以為伏羲以次有三姓始至女媧女媧之後五十姓至神農神農至炎帝一百三十三姓是

不當身相接譙周以神農炎帝為別人非古義也鄭
玄六藝論云燧人至伏羲一百八十七代未知孰是
伏羲氏作易名官高辛受命重黎說天文帝堯即位羲
和立渾儀蓋名渾耳夏后制德昆吾列神成周改號萇
弘分官

楚立唐氏以為史官有蒼雲如蜺圍軫七蟠中有荷斧

之人嚮軫而蹲

端猶周也

楚驚唐史曰君慢命又簡宗廟

天命

命也軫於天文楚之分也向之而居是慢命踞簡宗廟

於是畫遺炎烟耀於蒼雲

精消無文

軫火精雲水氣圍軫水也畫日陽也炎火亦陽也遺之者蒙蟠所也火難勝水三陽併氣

日火炎上宜消滅也文則蛻也

又楚有蒼雲如蛻唐史曰君慢令簡宗

廟以無禮見患七國俱謀皆懷屠君於是立禮正推禱
醮於廟堂之前曰唐史之策上滅青雲謂之神史也不
以知道之原哉又云太史唐勒以葭灰遺於地乃更拂
滅之其蒼雲為之半滅又遺灰如前乃盡去之一云楚
有蒼雲如蛻圍軫七蟠中有荷斧之人向軫而蹲於是
楚唐史畫遺灰而雲滅故曰唐史之策上滅蒼雲

白虹貫牛山管仲諫曰無近妃宮恐失權齊侯大懼去

色黨更立賢輔使后出望上牛山四面聽之以厭神

宋均

曰山君位也虹蜺陰氣也陰氣貫之君惑于妻黨之象也望謂祭以謝過也

王者往也神所向往人所歸落

庶人爭權赤帝之精

庶人謂劉項也

賁居子曰按天星之貴亦有遊戲人間如長乳星

為女子浴于渭河而張寬知之又太乙星不見東

方朔令迎于海中會稽太守果見一人了角坐卧

一紅蓮長丈餘而手持一黃書至于太白竊織女
侍兒為天帝所捕抑愈怪矣唐開元中北斗為羣
豕入渾天寺僧一行伺而掩之甕中尤可大噱要
之神物變化亦復何常窮理未至其眇者未可以
輕訶古人也唐史之術直其一端耳

春秋運斗樞

此篇述璿璣不及衆星也故以斗命篇

伏羲女媧神農是謂三皇皇者天天不言四時行焉百

物生焉三皇垂拱無為設言而民不違道德玄泊有似
皇天故稱曰皇皇者中也光也弘也含弘履中開陰布
網上合皇極其施光明指天畫地神化潛通煌煌盛美
不可勝量

按鄭立六藝論以伏羲女媧神農為三皇引運斗樞
之說也宋均引甄耀度數燧人伏羲神農為三皇禮
含文嘉尚書大傳譙周古史考並同惟白虎通取伏
羲神農祝融為三皇而孔安國則以伏羲神農黃帝

為三皇皆與鄭異

黃帝得龍圖中有璽章文曰天皇符璽又黃帝坐玄滄
與大司馬容光觀鳳皇銜圖置黃帝前

舜以太尉之號即天子五年二月東巡狩至於中州與
三公諸侯臨觀于河黃龍五采負圖出置舜前璽去也

入水而前去黃玉為匣長三尺廣八寸有戶白玉為檢
黃金為繩紫芝為泥封兩端章曰天皇帝符璽鳥文舜
與大司空禹臨侯博望等三十人集發圖玄色綈長三

十二尺中有七十二帝地形之制天文位度之差藏之大麓黃龍從雒水出諧虞舜鱗甲成字舜令寫之寫竟去赤龍負圖以出河見堯與太尉舜等百二十人集發藏之大麓

賁居曰地形天文固可圖而戴矣七十二帝篇冊不已侈乎天上烏文伊誰握管若不可辨則必非書若其可辨豈仍同人間篆迹也至以太尉臨侯為疑則謬書者不陋至此安知秦漢官號不襲自

上古乎

北斗七星第一天樞第二璿第三璣第四權第五玉衡
第六開陽第七搖光第一至第四為魁第五至第七為
杓合而為斗居陰布陽故稱北斗

按石氏星經第一曰正星主陽德天子之象也二曰
法星主陰刑女主之位也三曰令星主中禍四曰伐
星主天理伐無道五曰殺星主中央助四旁殺有罪
六曰危星主天倉五穀七曰部星主兵又一主天二

主地三主火四主水五主土六主木七主金又樞為
天璿為地璣為人權為時玉衡為音開為律搖光為
星兼此數義故謂之七政

太微宮有五帝星座五帝所行同道異位皆循斗樞機
衡之人遵七政之紀九星之法故天樞得則景星見甘
露零鳳皇翔朱草生璿星得則嘉禾液璣星得則狐九
尾衡星得則百獸率舞麒麟至靈龜躍萬人壽維星得
則日月光烏三足禮義循物類合搖光得則陵醴出玄

芝生江吐

闕

樞星散為麋為虎為象為橘為薑又為雲母

璣星散為雉為鸚為鶉為菰

玉衡星散為雞為鴟為兔為鼠又散為李為桃為椒為
荆為榆又為菖蒲

維星散為蘘蕪

瑤光散為象為麋為鳥為雀為燕為鵲為鷹為龜又為
人參為鹿

行失樞星失德逆時即薑有翼辛而不臭

遠雅頌著倡優則玉衡不明菖蒲冠環雄雞五足李生

瓜

廢江淮山瀆之祠斬伐無度則搖光不明人參不生服

翼九足

服翼飛
鼠也

彘生鹿

又搖光攜則服翼兩頭並翔又

行失瑤光則矛生角矛生角則有赤風又行失瑤光則

兔出月

按五星之降而為人為物為石為玉此多有也至於

瓜果禽鳥皆繫七星而一失舉動即應于璣衡惟此緯為悉

靈臺秘苑曰王者失道下將畔去則星畔天而隕以見其象將有兵凶則星墜為鳥獸天下將亡則星墜為飛蟲將大兵則星墜為金鐵將水星墜為土主亡有兵則星墜為草木兵起主亡則星墜為沙有大喪則星墜為龍又為人星墜為人而言者善惡如其言王政和平則老人星臨國萬民以歌

日行失則雖當煖而寒日血濁霧天下小寃

政紀乖則蟾蜍月積四頭咸翔

咸翔為妖也

后族擅權月生足芒主勢奪於后族羣妃之黨橫僭則月盈並出小月承大月羣姦在宮主若贅旒大月承小月近臣起讒人橫陪臣執命三公望風又勢集于后族羣妃之黨僭黃雲四合女訛驚邦又赤人刺房

黃帝行天樞則枉矢出射所謀

房為龍角月蝕則見于大辰星孛賊起守大辰于五

堂亂兵填門三王爭周以分

牽牛神名略

石氏云
名天關

地動則見于天象四角主灾月蝕則見 邑之淪陰吞

陽下相屠焉 土躍沙城后族黨也

山者地基也

德義少殘百家則鷄無頭 四方煩擾小民失恩虎啣

魚

飛翔羽翮為陽陽氣仁故鳥反哺

椒桂合剛陽

椒桂陽星之精所生也合猶連體而生也

椒桂連名士起粟五

變而以陽化生為苗秀為禾三變而祭謂之粟四變入白米出甲五變而蒸飯可食

四時王者休王所勝者死相所勝者囚假令春之三月木王水生木水休木勝土土死木王火相王所生者相相所勝者囚火勝金春三月金囚

黃金千歲生黃龍青金千歲生青龍赤金千歲生赤龍白金千歲生白龍玄金千歲生玄龍

按淮南子曰正土之氣也御乎埃天埃天五百歲生
缺缺五百歲生黃埃黃埃五百歲生黃湏黃湏五百
歲生黃金黃金千歲生黃龍黃龍入藏生黃泉黃泉
之埃上為黃雲陰陽相薄為雷激揚為電上者就下
流水就通而合于黃海偏土之氣御乎清天清天八
百歲生青曾青曾八百歲生青湏青湏八百歲生青
金青金八百歲生青龍青龍入藏生清泉清泉之埃
上為青雲陰陽相薄為雷激揚為電上者就下流水

就通而合于青海壯土之氣御于赤天赤天七百歲
生赤丹赤丹七百歲生赤瀕赤瀕七百歲生赤金赤
金千歲生赤龍赤龍入藏生赤泉赤泉之埃上為赤
雲陰陽相薄為雷激揚為電上者就下流水就通而
合于赤海弱土之氣御于白天白天九百歲生白礬
白礬九百歲生白瀕白瀕九百歲生白金白金千歲
生白龍白龍入藏生白泉白泉之埃上為白雲陰陽
相薄為雷激揚為電上者就下流水就通而合于白

海化土之氣御于玄天玄天六百歲生玄砥玄砥六
百歲生玄頽玄頽六百歲生玄金玄金千歲生玄龍
玄龍入藏生玄泉玄泉之埃上為玄雲陰陽相薄為
雷激揚為電上者就下流水就通而合于玄海

常占有經世史所明

夏不田

按禮記疏鄭玄釋之云四時皆田夏殷之禮孔子雖
有聖德不敢顯然改先王之法以教授於世若其所

欲改其陰書於緯藏之以傳後王穀梁四時田者近孔子故也

月八日刺是謂害地有分民九日刺其饑民以食弱以兵行十日刺女子執政十一日刺其下有陰死者十二日刺其下昏亂十三日刺是謂始強得地十四日刺是謂不和其下女傷十五日刺是謂盛強其下多兵十六日刺是謂內弱臣叛其主十七日刺是謂滅法有兵十八日刺是謂溫犯十九日刺是謂陽衰陰治女執事二

十日刺其地有土功二十一日刺是謂千里外有聚兵
二十二日刺是謂始衰貴人多死二十三日刺是謂陰
盛女子有主二十四日刺中有大謀二十五日刺是謂
陰隱國有殃二十六日刺是謂多憂二十七日刺是謂
大饑二十八日刺是謂自伐有內亂

星孛東方將軍謀王星孛西方羌胡叛中國星孛南方
天下兵起星孛北方夷狄內侵

彗星見委曲象旗王者征伐四方長竟天人生失天下

古微書卷九

欽定四庫全書

古微書卷十

明 孫穀 編

春秋感精符

此言一切災祥皆精神之感召而天物來符故多
述人事

天統十一月建子天始施之端也謂之天統者周以為
政地統十二月建丑地助生之端謂之地統商以為政

人統十二月建寅物大生之端謂之人統夏以為政
蒼帝之始二十八世滅蒼者翼也滅翼者斗滅斗者參
滅參者虛滅虛者房

宋均注云堯翼星之精在南方其色赤舜斗星之精
在中央其色黃禹參星之精在西方其色白湯虛星
之精在北方其色黑文王房星之精在東方其色青
孔子按錄書含觀五常英人知姬昌為蒼帝精

按王勃作大唐千歲歷其大旨云以土王者五十代

而一千年金王者四十九代而九百年水王者二十
代而六百年木王者三十代而八百年火王者二十
代而七百年此天地之長期符歷之大數也 此豈
於五運之秘有窺及耶不然何論之鑿也

人主含天光據璣衡齊七政操八極故君明聖人道得
正則日月光明五星有度

人君日月同明四時合信故父天母地兄日姊月

宋均注父天與圓丘之禮也母地與方澤之祭也兄

日於東郊也姊月於西郊也

三綱之義日為君月為臣也

月者陰之精地之理

地為山川山川之精上為星辰各應其州城分野為國
作精符驗也

王者上感皇天則鸞鳳至則景星見德下淪於地則嘉
禾興則醴泉出王者德洽於地則朱草生食之令人不
老王者德澤旁流四表則白雉見

麟一角明海內兵一主也王者不剗胎不剖卵則出於郊又王者德及幽隱不肖斥退賢人在位則至明於興衰武而仁仁而有慮禽獸有罔穽非時張獵則至又明王動則有義靜則有容麒麟乃見

按徵祥記麟一角為天祿兩角為辟邪無角為符拔麟之鳴牡曰遊聖牝曰歸和夏曰扶幼秋曰養緩

日無光主勢奪羣臣以讒誅色赤如炭以急見伐又兵馬發日暈黑則水淫溢日朝珥則有喪孽日已

出若其入而雲皆赤黃名曰日空不出三年必有移民而去者也 羣臣恣則日黃無光羣臣爭則日裂人主排斥則日夜出 虹貫日天下悉極文法大擾百官殘賊酷法橫殺下多相告則刑用及族世多深刻獄多怨宿吏皆慘毒又曰國多死孽天子命絕大臣為禍主將見殺

君行非是則言不見從言不見從則下不治下不治則儲老過制度奢侈驕泰天子儲天大夫儲人主諸侯儲

上陽無以制從心之喜上憂下刻常陽從之推設其跡考之天意則大旱不雨而民庶大灾傷

國大旱冤獄結旱者陽氣移精不施君上失制奢淫僭
老氣亂感天則旱徵見

陰厭陽移君淫民惡陰精不舒陽偏不施

陽偏下
怨徵也

在所

以感之者上奢則求多求多則下竭下竭則潰君不仁
火者陽之精也人合天氣五行陰陽極陰反陽極陽生
陰故應人行以灾不祥在所以感之萌應轉旋從逆殊

心也

陰盛臣逆民悲情發則水出河決也

陰氣之專精凝合生電電之為言合也以妾為妻大尊重九女之妃闕而不御坐不離前無舊相去之心同與參駟房社之內歡欣之樂事政失人施而不博陰精凝而見滅九月十月日色青則寒有雪電大臣擅法雨電

霜者殺伐之表秋季霜始降鷹隼擊王者順天行誅以

成肅殺之威若政令苛則夏下霜誅伐不行則冬霜不殺草

九女並謫則九虹並見后妃恣則澤烏海

婁黨翔則黃雲入國候今冬至日見黑雲有水雲黃白如人頭懸鏡之狀禍流

失陽事則無雲而雨

四月純陽事失陽故無雲而雨

賁居曰為此書皆憂世之士也春秋之世亟僭亂故為之尊王抑臣以示筆削西漢之季憂女謁矣

故于女黨之戒三致意焉此必京房翼奉之流而托于緯書以重其說

齊晉並爭吳楚更謀不守諸侯之節競行天子之事作

衡車厲武將輪有兩衡著劒以相振懼

宋均曰衡一敵之車也輪有鑿

輪者兩衡馬輕也

強傑並侵兵雷合龍門溺驂

宋均曰龍門魯門也時與

宋齊戰敗相投血溺驂馬者也

魯昭公時雉銜環入雉之為言弟也喻昭公弟為季氏

入之言君也

魯哀公時政彌亂絕不日食政亂之類當致日食之變而不應者譴之何益告之不悟故哀公之篇絕無日食之異

冬至日人主與羣臣左右縱樂五日天下人衆亦家縱樂五日以迎日冬至人主致八能之士脩人主乃使八士撞黃鍾之鐘擊黃鍾之鼓用馬革鼓員徑八尺一寸鼓黃鍾之瑟瑟用槐木瑟長八尺二寸吹黃鍾之律間音以竽補竽長四尺二寸天地以和應黃鍾之音得麤

賓之律應則公卿大夫列士以德賀於人主因請政所
行請五官之符管各受其質聲之調者諸氣和人主公卿大
以禮賜公卿列士五日儀定天地之氣和人主公卿大
夫列士章之德則陰陽之晷如度數夏日至之禮如冬
至日之禮舞八樂皆以龐敬為戒

八音者雲門五英太
壁大卷大韶大夏護

大武也

黃鍾之音調諸氣和人主之音順則蕤賓之律應

磬聲和公卿大夫列士誠信

以下
缺文

當與易通卦驗參之

冬至陰雲祁寒有雲迎日者來歲大美

按京房律術曰夫五音生於本姓分為十二律轉生
三十六律皆所以紀升氣効物類也天効以影地効
以響即律也陰陽和則影至以律氣應則灰除是故
天子常以冬至御前殿合八能之士陳八音聽樂韻
度晷影候鍾律權土灰挾陰陽冬至陽氣應則韻清
影長極黃鍾通土灰輕而衡仰夏至陰氣應則韻濁
影短極蕤賓通土灰重而衡低進退於先後五日之

中八音之能各以候狀聞太史合封上効則和否則占

西秦東窺謀襲鄭伯晉戎同心遮之穀谷反呼老人百里子哭語之不知泣血何益

春秋考異郵

此篇則品談物應耳郵與尤通

周天一百七萬一千里一度為二千九百三十二里七十一步二尺七寸四分四百八十七分分之三百六十

二

按晉志陸績云天東西南北徑三十五萬七千里此
言周三徑一也周禮日至之景尺有五寸謂之地中
鄭玄云凡日景於地千里而差一寸景尺有五寸者
南戴日下萬五千里也以此推之日當去其下地八
萬里矣日邪射陽城則天徑之半也以勾股求弦法
入之得八萬一千三百九十四里三十步五尺三寸
六分天徑之半而地上去天之數也倍之得十六萬

二千七百八十八里六十一步四尺七寸二分天徑之數也以周率乘之徑率約之得五十一萬三千六百八十七里六十八步一尺八寸二分周天之數也冬至十一月陽之氣也陽立于五極于九五九四十五日一變風以陰合陽故八卦主八風距同各四十五日艮為條風震為明庶風巽為清明風離為景風坤為涼風兌為閭闔風乾為不周風坎為廣莫風

八風殺生以節朔距冬至四十五日條風至條者達

生也

距猶起也自冬至後四十五日而立春此風應其方而來生萬物

四十五日明庶

風至明庶者迎惠也

春分之後言庶衆也陽以施惠之恩德迎衆物而生之

四十

五日清明風至清明者精芒挫收也

立夏之後也挫猶止也時薺麥之屬

秀出已備故挫止其鋒芒收之使成矣

四十五日景風至景者強也強以

成之

夏至之候也強言萬物強盛也

四十五日涼風至涼風者寒以閉

也

立秋之候也閉收也言陰寒收成萬物也

四十五日閭闔風至閭闔者當

寒天收也

秋分之候也閭闔盛也時盛收物蓋藏之閭或為當

四十五日不周風

至不周者不交也陰陽未合化也

立冬候也未合化言消息純乾無陽也月

令曰天地不通而閉塞成冬也

四十五日廣莫風至廣莫者精太滿也

冬至之候也言冬物無見者風精太滿無偏

風之為言萌也其立字虫動於

几中者為風

按爾雅南謂之凱風東謂之谷風北謂之涼風西謂

之泰風

又

呂氏春秋東北曰焱風東風曰滔風東南

曰薰風南方曰巨風西南曰淒風西方曰颼風西北

方曰厲風

載名各異故併志之

條風至王者赦小過出稽留

日冬至辰星升夏至井水躍

孟夏戴絰降陽御表以期達蠶珥絲在四月故孟夏戴

絰出以任氣成天津也故戴絰出蠶期起

注曰絰而戴之明趨時急

也銜天表候以期至惟急是務珥吐也

立秋促織鳴女工急故促之

陰氣之精凝合生電電之為言合也以妾為妻陰精凝而見戒也強臣擅命夷狄內侮后妃專恣刑殺無辜則天雨電

霜者陰精冬令也四時代謝以霜收殺霜之為言亡也
物以終身也 天雨木冰貴臣將死也 旱之言悍也
陽驕蹇所致也 火者陽之精也人火為火天火為災

河者水之氣四瀆之精所以流化故曰河潤千里

黃星騁海水躍

宋均曰黃星土精土主安靜躍則失常

鯨魚死彗星合

魚鯨

陰陰生於水今出而死是特有兵相殺之祥也故天應之以妖彗

熒惑不明雉生兔

焉 五殘類辰星有角見則政在伯 國皇大而赤類

南極見則兵起天下急 旬始照其下必有滅主 枉

矢精狀如流星蛇行有尾

按晉志五殘出正東方星表有氣如暈有毛大而赤
察之而青主乖亡為五方亦為備急兵 國皇去地
三丈如炬火主內寇內難旬始出北斗旁如雄雞其
怒有青黑象伏鼃見則臣亂兵作期十年聖人起伐
羣猾橫恣枉矢類流星色蒼黑蛇行望之如有毛目
長數匹著天見則謀反之兵合以亂伐亂

下有謀則星入月 諸侯謀叛則月生爪牙后族專政

則日月並照又后族專則土踊臣恣盛地裂圯臣謀

反偏刺日

虹蜺出亂惑棄和

荀爽書曰不謂夷之初旦明而未融虹蜺揚輝棄和取同

按晉志妖氣曰虹蜺日旁氣也斗之亂精主惑心主內淫主臣謀君天子誅后妃顓妻不一

黃帝將起有黃雀赤頭立日旁帝占曰黃者土精赤者火精雀者賞也明余當立大功乎黃赤者桑也

按黃青黃祥俱不聖之咎而此於黃帝時為瑞殆不

可解

僖公即位隕霜不殺草臣威強也又李梅實梅李大樹
比草為貴是君不能伐也定公即位隕霜殺殺者稼
最強季氏之萌

僖公三年春夏不雨於是僖公憂閔立服避舍率羣臣
禱山川以六過自讓絀女謁放下讒佞郭都等十三人
誅領人之吏受貨賂趙祝等九人釋更徭之逋罷軍寇
之誅去苛刻峻文慘毒之教所蠲浮令四十五事曰方

今天旱野無生稼寡人當死百姓何罪不敢煩人請命
願撫萬人害以身塞無狀禱已舍齊南郊雨大澍也

昭公九年秋三年冬並大雨電時昭公專樂齊女綺繡
珠璣之好掩月光陰精凝為灾異昭公事晉陰精用密
故灾

襄公朝于荆士卒度歲愁悲失時泥雨暑濕多霍亂之
病

繆公即位仲夏大寒冰錯亂甚也

劉子單子折猛入城天王奔走尹氏立朝獻金鈴大戰
五十張

龍門之下血如江

宋均注龍門戰在魯桓十三年

黃池之會滕薛扶穀魯衛驂乘

長狄兄弟三人各長百尺狄者陰氣時中國哀有夷狄
萌北狄之氣主生幽都西夷之氣如幡旗狀

按繁露云春秋之法上變古易常應是而有天災者
謂幸國孔子曰天之所幸有為不善而屢極楚莊王

曰天不見灾地不見孽則禱之於山川曰天其將亡
予耶不說吾過極吾罪也以此觀之天灾之應過而
至也春秋之所獨幸也聖王賢君尚樂受忠臣之諫
而況受天譴也

輿重救之地地傷不相動而踊故物淖者易變動鳴鵠
者飛行居于陽夷狄之鳥穴居于陰

陰陽氣貪故題肩多

題肩
鵠也

金伐木故鷹擊雉水滅

火故蚩螫鵠

鵠柔良之鳥
蚩為水也

土勝水故守宮食蠶

守宮
生于

土蠶藏屬
坎水色

蚺蛆搏蛇

蚺蛆生于土
蛇之物屬坎

承石取鐵玳瑁

吸啗

自目至也啗
養也音若

貪擾生蝗

蠶陽者火火惡水故食不飲桑者土之液木生火故蠶
以三月葉類會精合相食 陽立于三春故蠶三變而
後消死于三七二十日故二十一日而繭

二九十八主風精為蟲八日而化風烈波激故其命從
蟲蟲之為言屈申也

三九二十七者陽氣成故虎七月而生陽立於七故虎首尾長七尺般般文者陽雜也

七九六十三陽氣通故斗運狗三月而生也

狗斗之精所生也

狗三月而生陽生于三故狗各高三尺

按淮南子天一地二人三三三而九九九八十一

主日日數十二主偶偶以承奇奇主辰辰主月月主

馬馬故十二月而生七九六十三三主斗斗主犬犬

故三月而生六九五十四四主時時主彘彘故四月

而生五九四十五主音音主猿猴故五月而生四
九三十六六主律律主麋鹿麋鹿故六月而生三九
二十七七主星星主虎虎故七月生二九十八八主
風風主蟲蟲故八月而化

此語較備蓋即緯書本文故錄之以相證

古微書卷十

欽定四庫全書

古微書卷十一

明 孫穀 編

春秋潛潭巴

潛潭者水之沉深也巴又木之曲屈也蜀江學巴
字而流蓋其遠也撰名若此弔詭之甚

天子有三寶謂璿璣玉衡律度也璿璣者轉舒天心玉
衡者平氣立常也

異之為言怪也謂先發感動

君德應陽君臣得道度則日含王字

含王字者日中有王字也王者德象

日光所照無不及也

君臣和得道叶度則日月大光明天下和

平上下俱昌延年益壽

按漢文帝時日中有王字

日之將蝕則斗第二星變色微赤不明七日而蝕日蝕既君行無常公輔不修德夷狄強侵萬事錯

按南齊書日有五蝕謂起上下左右中央是也漢尚

書令黃香曰日蝕皆從西月蝕皆從東無上下中央者春秋魯桓三年日蝕貫中上下竟黑疑者以為日月正等月何得小而見日中鄭玄云月正掩日日光從四邊出故言從中起也

日食以甲子夷狄兵起一云有兵敵強乙丑食大旱丙

寅食久旱多有徵一云旱蝗丁卯旱有兵戊辰地震陰

盛己巳火災庚午憂火兵一云庚午食後火燒宮有兵

辛未大水一云水潦壬申水滅陽潰陰欲翔諸侯相攻

癸酉淫雨數降

一云

連陰不解淫雨毀山有兵甲戌草

木不滋王命不行乙亥陽不明冬無水東國發兵丙子

夏霜為災丁丑三公有慶戊寅天下大風己卯多盜庚

辰有兵旱辛巳后妃有謀壬午久雨旬望癸未仁義不

明甲申四月雨霜乙酉賢臣消退君弱臣強司馬將兵

反征其王丙戌多冤訟丁亥有謀為逆君臣無別

一云

匿謀滿玉堂戊子宮中有憂

一云

宮室內姪雌必成雄

己丑天下唱之

一云

下民憂庚寅將相憂骨肉相賊移

有水一云將來誅大水多死傷辛卯臣伐其王壬辰江
河決久霧連陰癸巳權不一甲午蟲螟為害乙未天下
多邪氣鬱鬱蒼蒼丙申諸侯叛夷狄內侵歲旱丁酉侯
王侵戍戍有土殃主后死天下諒陰巳亥小人用事庚
子君有疑辛丑王疑臣三公免壬寅大臣驕恣天下苦
兵癸卯外國伐王甲辰四騎脅大水乙巳東國起兵丙
午民多流亡丁未王者崩戊申地動諸侯爭強巳酉有
相疑者庚戌臣下相侵辛亥有臣憂子為雄壬子妃后

專恣女謀王癸丑水潦為敗甲寅雷電擊殺骨肉相攻
乙卯雷不行霜不殺草不長姦人入宮丙辰山水大出
夷狄內攘丁巳其下有聚兵一云敗兵戊午久旱傷穀
己未王失其土庚申夷狄相侵辛酉奸邪欲謀妃主一云
女謀壬戌羣小用事君子繫癸亥王者憂疑一云
大人崩

按史記天官書甲乙四海之外日月不占丙丁江淮
海岱也戊己中州河濟也庚辛華山以西壬癸恒山

以北日食國君月食將相當之漢志則云甲齊乙東夷丙楚丁南夷戊魏己韓庚秦辛西夷壬衛癸越子周丑翟寅楚卯鄭辰晉己衛午秦未宋申齊酉魯戌趙亥燕淮南子又云甲戌燕也乙酉齊也丙午越也丁巳楚也庚申秦也辛卯戎也壬子趙也癸亥胡也戊戌己亥韓也己酉己卯魏也戊午戊子八合天下也

武密占曰日食以子日兵起丑寅卯皆旱辰巳火

災午兵未水申酉皆為兵戍草木傷死小人用事又
曰日食自日出至食時宋鄭當之食時至禺中楚當
之禺中至日缺秦當之日缺至晡時魏當之晡時至
日入燕當之日入至人定代當之皆為不出三年其
下有大喪云

賁居子曰此皆古窮理達數者之言也其源皆出
於緯書故可互參

君德應陽則醴泉出焉 旅星得則醴泉出

君臣和得道。叶中則蓬脯生於庖厨。

里社鳴。此里有聖人出其响。百姓歸天辟亡。

宋均曰响鳴之怒者。

聖人怒則天辟亡矣。

火從井出。有賢士從人起。

鳳行鳴曰歸。嬉止鳴曰提扶夜。鳴曰善哉。晨鳴曰賀世。

飛鳴曰郎都。

按宋書瑞應志。鳳晝鳴曰滿昌。昏鳴曰固常。夜鳴曰

保長。

又

何法盛徵祥記。鳳晨鳴曰發明。晝鳴曰保長。

舉鳴曰上翔集鳴曰歸昌昏鳴曰固常雄鳴曰即即
雌鳴曰足足一鳳也而鳴聲各異豈皆從伶倫悉
其音耶抑有介葛盧者從旁而析其語耶

天赤有大風發屋折木兵大起行千里

大霧三十日羣猾起上下承蒙上少下多故羣猾也疾
風拔木讒臣恣忠臣辱

雲色沫沫不濁賢人去位小人得祿

大雪甚厚必有女王天雪連月陰將作威

宋注雪為陰臣道也

陽制於陰故水為雨

虹出后妃陰脅王者 虹五色迭至照于宮殿有兵革

之事

霹靂擊宮君精泄下有謀起

泄失也

枉矢出臣不忠 枉矢或南或北無聚衆伐戰國枉矢

黑軍士勇疾流腫

天當揚光明今黑有見喪之氣明腫死也

天子文繡布地地必動絕無嗣

河水逆流怨氣盛也 水逆流陰氣盛不及上令其揚

沙下不爭天子失道聖人受命

宮桂鳴下土諸侯號有聲

桂好木植於宮中猶天子封有聲譽者為諸侯今乃鳴是

成其聲名于下土之祥

宮瓦自墮諸侯強凌主又宮瓦自墮至

地不祥

宮有牛鳴政教衰諸侯相并牛兵之符也

白狐至國民利不至下驕恣

下不廉蜚廉之草為不生

蟋蟀集天子無遠兵

朝有大蜂武士中蜂赤強黑不梁

蜂有刺毒以扞難武士象也梁或為良

女子化為丈夫賢人去位君獨居丈夫化為女子陰氣

渾小人聚

為國家者亂五行之度失五常之性則填星為動而地震矣地震則陰類應之人心恐懼當為寇至臣專女橫其災大喪而社稷憂也

春秋說題辭

此誤書者統諸緯之義而繹其文也

河以通乾出天苞洛以流坤吐地符河龍圖發洛龜書
感王者沈禮焉故圖有九篇書有六篇

六經所以明君父之尊天地之開闢皆有教也

尚書者二帝之迹三王之義所以推其期運明授命之
際書之言信而明天地之情帝王之功凡百二篇第賜
委曲尚者上也上世帝王之遺書也

易者氣之節含五精宣律歷上經象天下經計歷文言
立符象出期節象言變化繫設類跡

詩者天地之精星辰之度人心之操也在事為詩未發為謀恬淡為心思慮為志故詩之為言志也

禮者所以設容明天地之體也

禮得則天下咸得厥宜陰陽滋液萬物調四時和動靜常用不可須臾惰也

春秋經文備三聖之度

孔子曰伏羲作八卦丘合而演其文瀆而出其神作春秋以改亂制孔子作春秋一萬八千字九月而書成

以授游夏之徒游夏之徒不能改一字

孝經者所以明君父之尊人道太素天地開闢皆在孝人非父不生非母不長天地開闢而生人承天地是故觀生膝下以養父母

孔子謂子夏曰得麟之月天當有血書魯端門孔聖沒周室亡子夏往觀逢一郎云門有血飛為赤鳥化而為書

按拾遺記浮提之國獻神通善書二人乍老乍少出

肘間金壺四寸壺中有黑汁如淳漆洒地及石皆成篆隸科斗之字記造化人倫之始佐老子撰道德經及金壺汁盡二人剗心瀝血以代墨焉遞鑽腦骨取髓代為膏燭及至經成工畢二人亦不知所往顧孔子之書何以莫贊一辭也安知顏淵冉牛輩不即浮提善書之神而人特不知測耶

天之為言鎮也居高理下為人鎮也羣陽精也合為太一分為殊名故立字一大為天一云天之言顯也居高

理下為人經紀故其字一大以鎮之地之為言婉也承天行其義也居以下山為位道之經也山陵之大非地不制含功以牧生也

星之為言精也陽之榮也陽精為日日分為星故其字日生為星

雲之為言運也動陰路觸石而起謂之雲含陽而起以精運也

山之為言宣也含澤布氣調五行也又陰含陽故石凝

為山周易艮為山為小石石陰中之陽陽中之陰陰精補陽故山合石石之為言託也託立法也

山有水石精流以生木木含火故山有魄火生土故地有載石

陵之為言臨也輔山成其廣層秣扶推蓋厥長也丘者基也丘谷輔氣元士扶化也原者端也平而有度也下濕者隰也下澤也高平曰大原廣延曰大鹵

河之為言荷也荷精分布懷陰引度也濟之為言齊也

齊者度也度者圓也渭之為言布也渭渭流行貌洛之為言繹也繹其耀也言水繹繹光耀也淮出桐栢淮者均也均其務汝出猛山汝之為言女也

女取其生孕也

按此詮釋文義似佐元命包而拾其遺者

盛陽之氣溫煖為雨陰氣薄而脅之則合而為雹盛陰之氣凝滯為雪陽氣薄而脅之則散而為霰一歲三十六雨天地之氣宣十日小雨應天文也十五日大雨以斗運也大節二十四小節十二功德分也故一歲三十

六雨

按梁元帝纂要疾雨曰驟雨徐雨曰零雨久雨曰苦雨亦曰愁霖雨晴曰霅雨水曰潦雨

天文以七列精以五故嘉禾之滋莖長五尺五七三十五神盛故連莖三十五穗以成盛德禾之極也禾者銜滋液也稻之為言藉也稻冬蒼水盛其德也故稻太陰

精含水漸濡乃能化也江旁多稻固其宜也

稻包裏也稻非水不

生故曰陰精也麥之為言殖也寢生觸凍而不息精射刺直故

麥含芒事且立也菽者屬也春生秋熟理通體屬也菽
赤黑陰生陽大體應節小變象陽色也精移火轉生黍
夏出秋收黍者緒也故其立字未入米為黍 酒之言
乳也所以策身扶老也

孔子言曰七變入白米出甲謂磴之為糲采也春之則

粃米也

甲恐作白

帥之則鑿米也

音普各切齊謂春為酋




之則穀米

也又糲擇之飭嗟

音蕩達

之則為晶米

按九章算法云粟五十為糲三十為粃二十七釐二十

四御二十一皆三之一也米之細者乃窮於御通于
繫楊桓六書統曰繫米五升舂為四升曰穀為五減
而四也古篆作象四。以見意小篆作穀米減
而三曰晶古篆作象三。以見意糲而繫繫而穀
穀而晶細之極也窮于御言其可御于君也

麻之為言微也陰精寢密女作織微也麻生於夏夏衣
物成禮儀故麻可以為衣陽成於三物以化故三變縷

布如也

宋均曰麻須陰以成夏枝葉成謂之衣亦夏生
可作衣也三變謂麻生成形一變也漚取皮二

變也續成為
縷三變也

地精為馬十二月而生應陰紀陽以合功故人駕馬任
重致遠利天下月度疾故馬善走 斗星散時精為彘
四月生應天理 羊者祥也合三而生以養生也故羊
高三尺

雞為積陽南方之象火陽精物炎上故陽出雞鳴以類
感也雞之為言佳也佳而起為人期莫寶也

促織為言趣織也織興事遽故趣織鳴女作蠶

雁之言雁雁起聖以招期知晚蚤故南北以陽動也

雁雁

音聲也聖王聞其音聲知為時節雁為隨日南北以常動也

鶴所以壽者無死氣於其中也鶴知夜半

鶴水鳥也夜半水位感其

生氣則益喜而鳴

猩猩者矜精者也故能言可使陽烈之類以檢下

矜謂使人

自矜莊精審也猩猩言說人善惡是陽氣之烈好善而惡惡佐王者所以檢下也

孔子曰德合元者稱皇皇象元道遙術無文字德明謚合天者稱帝河洛受瑞可放仁義合者稱王符瑞應天

下歸往

朝者不占而到諸侯秉政尊卑有序各來朝講文德明
禮讓天下法制四方受度會者所以興德明義考遺廢
于天下

號者功之表謚者行之迹所以追勸成德使尚務節伐
人者國內行威有所斬壞伐之為言敗之也

葬尸下藏也人生于陰含陽充死入地歸於陰也知生
則賻知死則賵賻之為言助也賵之為言覆也輿馬曰

賄貨財曰賄玩好曰贈決其意也衣被曰襚養死具也


贈稱也襚遺也口實曰噲緣生象食孝子不忍虛其欲

不忍虛故欲其食口天子以珠諸侯以玉大夫以璧士以貝噲之

為言實具口含也

生常食故死食所含

孔子卒以所受黃玉葬魯城北



古微書卷十一

欽定四庫全書

經部
古微書卷十二至十四

詳校官監察御史_臣施朝幹

刑部郎中_臣許兆椿覆勘

總校官編修_臣王燕緒

校對官編修_臣朱攸

謄錄監生_臣孫鳳詳

欽定四庫全書

古微書卷十二

明 孫穀 編

春秋漢含孳

賁居子曰昔翁難雉乙卜於白若之龜猶知夏之
後有商商之後有周謂孔子之後不應知有漢亦
誤也顧可以言漢亦可以言晉魏可以言晉魏亦
可以言唐若宋若今日若無窮際矣謂書出漢儒

又不應如是之膚固知是商瞿馭臂輩偶然而推
故訖于漢

天子所以昭察以從斗樞禁令天下繼體守文宿思以
合神保久長

天子受符以辛日立號冢宰奉圖宗人共觀九日悉見
後日之過方來之害以告天

受位謂應期之人當起者之符代行其錄運者也

曰請封禪到岱宗畫期過數告請命

經十有四年春西狩獲麟赤受命倉失權周滅火起薪米得麟孔

子曰丘覽史記援引古圖推集天變為漢帝制法陳叙圖
錄又丘水精治法為赤刺功又黑龍生為赤必告示象
使知命 有人握卯金刀在軫北字季天下服卯在東
方陽所立仁且明金在西方陰所立義成功刀居右字
成章刀擊秦枉矢東流水神哭祖龍死

諸如此說皆疑于夫子之不王也不知自商瞿一卦
曰子有聖智而無位夫子已歎訖而息志矣責居子
曰昔夫子適周見老聃意欲相招以力挽氣運更始

太平也老氏一見夫子目營四海心竊鄙之遂望望
焉西去而不顧于是聖人之氣不王于中夏而集于
遠夷矣故夫子亦欲遊九夷從風嬉焉及聞太子晉
之上賓也睠然嗟曰明王不作天下其莫能宗予此
以感于鳳不至也使子晉無死將法堯禪舜與曰聖
人亦不能為時子晉之語師曠已云一姓不再興矣
然則夫子亦安能為東周哉惟有作春秋已耳

房心為明堂天王布政之宮 少微之北大夫位為帝

者佐也

三公在天為三台九卿為北斗三公象五嶽九卿法河海二十七大夫法山陵八十一元士法谷阜合為帝佐以匡綱紀

強幹弱流天之道也

水火交感陰陽以設夫婦象也妻象太陰臣法金位金陰

中之職故喻臣位水能純柔純柔妻象也

臣子謀日乃食陽弱辰逆太白經天

陽弱君柔不堪也

女主盛臣制命則地動圻畔震起山崩淪

九卿阿黨擠排正直驕奢僭害則江河潰決

專一精并氣凝為電

宋均曰謂若魯僖公脇于齊以妾為妻尊重齊媵無迴曲之心感陰

水氣乃使結而不解散

穴藏之蟻先知雨陰暄未集魚已噞喁巢居之鳥先知

風樹木未搖禽已羽翰

蝗起於貪蝻者飛而甲為害故天雨蝻則刑法醜螟應

苛尅

斷木寒水泥土當根

注泥土穿土出泥也

雩祭禱辭曰萬國今大旱野無生稼寡人當死百姓何謗不敢煩民請命願撫百姓以身塞無狀

請雨祝曰昊天生五谷以養人今五穀病旱恐不成敬進清酒搏脯再拜請雨雨幸大澍

春秋佐助期

此主為炎漢佐命豫幟其錄故蕭何之狀現于圖
又當時必併及諸傑後不傳耳

天子法斗諸侯應宿

諸侯上象四七三公寅亮參兩四七二十八宿也參兩天地也

古語曰月麗于畢雨滂沱月麗于箕風揚沙

武露布文露沈

注云甘露降其國布散者人尚武沈重者人尚文

角為天門左角神名其芳右角神名其光率

亢為廟廷房為四表布三公道尾箕為后宮之長奎

主武庫婁主苑牧昂主獄事天女主布帛虛主禮

堂營室主軍糧 鬼主神明 柳主教令 咸池主
五穀 昂畢為天街

織女神名收陰 廐星傳令神名詩時 太尉主甲卒
神名辨會 天弓主司弓弩之張神名推亡 粟神名
許給姓庸天 麥神名福習 黍神名侮佞蘭 郝荳
神名靈殖姓樂

按星辰之位號已難論矣復從而注其姓字其形狀
其衣服其居處靡密已甚顧道釋二藏所稱引名狀

各殊則必皆襲自緯書而後稍汎濫也今據雲笈七
籤有云角星神姓賓名遠生衣綠玄單衣亢星神姓
扶名司馬馬頭赤身衣赤緹單衣帶劍氐星神姓王
名師子衣青紗單衣房星神姓洪名寄生衣絳緋單
衣心星神姓女名涂祖牛頭人身衣黃單衣帶劍尾
星神姓涂名徐澤兎頭人身衣青單衣箕星神桑木
之精姓元闕名仲衣飄飄玉紗單衣南斗星神姓陽
名多衣青單衣持矛牛星神姓柳名將生衣絳玄單

衣女星神姓刁名徐字鬱子犬頭人身虛星神槐之
精也姓木名徐他鼠頭人身衣良黑單衣帶劍危星
神姓劉名歸生衣瓊紋單衣帶劍營室之內五色襪
神營室天子受命之司姓呂名昇衣黃錦單衣東壁
星神姓石名蘓和豕頭人身衣黑單衣帶劍奎星神
姓黑名石勝衣丹紗單衣帶劍婁星神姓竺名遠來
衣流熒單衣冒星神姓馮名謝君衣流黃單衣帶劍
昂星神姓張名弩小衣綠青單衣畢星神姓柔名公

孫帶劍衣白毛單衣觜星神姓王名平衣龍青單衣
參星神姓銅名徐舒衣黃緋單衣帶劍井星神名搏
陽衣黃水單衣帶劍能致鳳凰玄武鬼星神主震姓
作名涂于蛇頭黑身帶劍衣赤野單衣柳星神主坎
姓角名石襄羊頭人身衣黃韋單衣七星神主艮名
勝子衣飛霞單衣張星神主巽姓李名神子衣赤血
單衣翼星神主離姓張名奴子衣赭黑單衣軫星神
主兌姓闕名蘓子衣流黃單衣

又法苑珠林初置星宿昂為先首形似剃刀次置畢
形如立义甬形如鹿頭參性多嗔怒一星如婦人顰
井兩星形如脚跡鬼歲星之子其性温和如佛胸滿
相柳亦如婦人顰復置南方七星形如河岸張形如
人脚跡翼亦如脚跡軫形如人手角屬喜樂天亦如
婦人顰亢形同氐屬於火天形闕復次西方房宿形
如瓔珞心屬帝釋天形如大麥尾形如蠋尾箕屬形
如牛角斗形如人拓地牛形如牛頭女如大麥粒復

置北方虛形如鳥危屬多羅挈天室壁皆如腳跡奎
如婦人顰妻形如鳥頭胃形如鼎足 參此二藏於
星宿名狀若有實諦要之緯書所由來非一世也其
稱姓字亦必上古十巫之家有為此說者

太白入軫兵大起又五星有入軫者皆為兵大起庫兵
動鼓自鳴諸侯得衆也 一云得諸侯象也

冬蟲之為蟲赤頭黑身兩翼而行陰中陽也冬蟲之為言衆
暴衆也

八月雨夜芥菜生於洿下地中作羹臠甚美吳中以
鱠魚作膾芥菜為羹魚白如玉菜黃若金稱為金羹玉
膾一時珍食

天門山上有葱所種畦隴悉成行人拔取者悉絕若精
誠而求即不拔自出奇異辛香

凡黍為酒陽據陰乃能動故以麥釀黍為酒

麥陰也是
先漬麴黍

後入故曰陽相感皆據陰也相得而沸
是其動也凡物陰陽相感非為作酒

不當華而華易大夫不當實而實易相室

漢相蕭何長七尺八寸昂精生也耳三漏月角火形

春秋保乾圖

天皇地皇人皇皆九人分為九州長天下

天皇於是斟元陳極以立易威

言斟酌元化該皇極以建易道宋均云威則也

言斟酌元氣陳列樞機之行以改立先法也

女媧氏命娥陵氏制都梁管以一天下之音命聖氏為

班管以合日月星辰名曰充樂又令隨作笙簧

按續博物志女媧之功烈上際九天天下契黃墟名聲

被後世光輝垂萬物乘雷車服應龍駢青虬席蘿圖
震黃璐援絕瑞前白螭後奔蛇而後世不知其有娥
陵三臣亦未讀緯書耳

黃帝坐於扈閣鳳凰銜書至帝前其中得五始之文焉

移河為界在齊呂填關八流以自廣

言齊桓拓境塞其
八枝并使歸徒駭

一河也

吐珠於澤誰能不含

珠出於野澤之中誰
能不含取以為寶也

天子之尊也神精與天地通血氣含五帝精天愛之子

之也

三百年斗歷改憲

春秋握成圖

孔子作春秋陳天人之際記異考符

執家要含始游雒池赤珠上刺曰玉英吞此為王客以

其年劉季為漢皇

為王客者為王者所賓客

漢賊臣名孫登大形小口長七尺九寸巧用法多技方

詩書不用賢人杜口也

江充之害其萌反舌鳥入殿

一作保
乾曜篇

春秋內事

春秋孝經各有內事雖不係緯識篇目而其文詞殊甚龐噩又俱有宋均之注故以為鐔

天有十二分以日月之所躔也地有三分王侯之所居也

自開闢後五緯各居其方至伏羲乃消息禍福以制吉凶始合之以為元

伏羲氏以木德王天下之人未有宅室未有水火之和於是乃仰觀天文俯察地理始畫八卦定天地之位分陰陽之數推列三光建分八節以文應瑞凡二十四消息禍福以制吉凶

神農地過日月之表

軒轅氏以土德王天下始有堂室高棟深宇以避風雨風后善於伏羲之道故使推行陰陽之事當天宮也陰宅以日奇陽宅以月耦陰宅先內男子當令奇陽宅

先內女子當令耦乃吉陰宅內男子三人陽宅內女子二人

夏后氏金行初作葦莖言氣交也殷人水德以螺首慎其閉塞使如螺也周人木德以桃為梗言氣相更也今人元日以葦插戶螺則今之門鐸也桃梗今之桃符也太黃負山能動天地氣者孔甲遇之是為天棊

日者陽德之母

古微書卷十二

欽定四庫全書

古微書卷十三

明 孫穀 編

春秋命厯序

春秋緯十有三篇無所謂命厯序者諸書徵引冥莖歲代帝皇錄運顧多主于命厯則欲推遽古之聞不得不列是書矣

自開闢至獲麟二百二十七萬六千歲分為十紀每紀

為二十六萬七千季凡世七萬六百年一曰九頭紀二
曰五龍紀三曰攝提紀四曰合雒紀五曰連通紀六曰
叙命紀七曰循蜚紀八曰因提紀九曰禪通紀十曰疏
仡紀

按廣雅天地辟設人皇以來至魯哀公十有四年積
二百七十六萬歲分為十紀註云帝王世記自人皇
以來迄魏咸熙二年凡二百七十二代積二百七十
六萬七百四十五年分為十紀

天地初立有天皇氏十二頭澹泊無所施為而俗自化
木德王歲起攝提兄弟十二人立各一萬八千歲地皇
十一頭火德王姓十一人興於熊耳龍門等山亦各萬
八千歲人皇九頭乘雲車駕六羽出谷口兄弟九人分
長九州各立城邑凡一百五十世合四萬五千六百年
又曰天皇氏以木王地皇氏以火紀人皇出暘谷分九
河人皇氏依山川土地之勢財度為九州謂之九圀
圀各居其一而為之長人皇居中州以制八輔

按路史考之正閏五德終始之傳乃謂天地之初有
渾敦氏者出之為治即代所謂盤古氏也繼之以天
皇氏地皇氏人皇氏在洞神部又有所謂初三皇君
而以此為中皇蓋難得而稽矣

皇伯皇仲皇叔皇季皇少五姓同期俱駕龍號曰五龍

闕

大腹出天齊號曰皇次屈駕六飛麋上下天地與神合
謀神皇氏駕六蜚鹿政三百歲

按路史循蜚紀鉅靈氏之後為句强氏譙明氏涿光
氏鈎陣氏乃至黃神在鉅神氏之前

次民氏是為次是氏 次是氏沒元皇出天地易命以
地紀穴處之世終矣

按循蜚紀鉅神氏之後有犂靈氏大騄氏鬼騄氏奔
茲氏泰逢氏冉相氏蓋盈氏大敦氏雲陽氏巫常氏

泰壹氏空桑氏神民氏倚帝氏乃至次民而穴處之
世終矣

辰放氏是為皇次屈渠頭四乳駕六蜚麀出地郭而從
日月上下天地與神合謀古初之人卉服蔽體次民氏
沒辰放氏作時多陰風乃教民擗木茹皮以禦風霜綯
鬢闕首以去靈雨而人從之命之曰衣皮之人

此因提紀之首也

賁居子曰太古之事有不可以理詰者有不可以

跡拘者較於目今其怪奇更什伯矣

路史氏曰無物不有而後為天地無事不具而後成世道由是而究之則非常之故不慮之變皆適然而已矣是以太公有云天之為遠矣地之為廣矣人生其間各自利也何莫之有乎夫使世俗而能常有其有是乃溟滓鴻濛世以為主莫之有七十六聖矣嗚呼天地之間信何莫之有乎奚物而為常奚物而為怪通之則物我一也不然吾值我

非怪邪天下之物固不以自怪也必值我而後怪
始未常識遇之皆可為駭惑怪固在我不在物也
四海之下四臂九首六足兩口獨目三身二體旁
口反舌交脛反踵馬首狗蹄三瞳四舌四耳三角
結匈岐踵半體聶耳毛身玄體貫匈離耳無腸蜚
頭羽民尾濮豕啄狗頭厭火流鬼野父落剝充軀
其間北方有不釋之冰南方有不死之草東方有
君子之域西方有殘刑之尸寢居直夢人死為鬼

豈得謂之無邪

帝辰放在位二百五十年離光次之號曰皇談銳頭日
角駕六鳳凰出地衡治二百五十歲

按因提紀辰放氏之後為蜀山氏蜀之為國肇自人
皇其始蠶叢拍蔭魚鳧各數百歲最後乃得望帝杜
宇寔為滿桿蓋蜀之先也次有脛傀氏渾沌氏東戶
氏當是之時禽獸成羣竹木遂長道上顏行而不拾
遺耕者餘餽宿之隴首其歌樂而無謠其悲哀而不

聲皆至德之世也其次乃至皇覃氏即離光氏也

栢皇氏是為皇伯登出搏桑日之陽駕六龍而上下以

木紀德

按因提紀皇覃氏之後為啓統氏吉夷氏几蘧氏天下之人惟知其母不知其父鶉居穀飲而不求不譽晝則旅行夜乃類處及其死也橐舁風化而已令之曰知生之民天下蓋不足治也有聖者作樓木而巢教之巢居以避之號大巢氏有聖人者游於日月之

都至于南垂有木焉鳥啄其枝則燐然火出聖人感之於是仰察辰心取以出火作鑽燧別五木乃教民取火以灼以煇以熟臊胜以燔黍捭豚然後人無腥腍之疾號遂人氏後有庸成氏庸成者垣墉城郭也群玉之山平阿無隘四徹中繩庸成氏之所守先王之冊府也其民僮蒙莫知西東摩蜃蓐食而莫知其止息託嬰巢中樓糧隴首寔有季子其性喜淫晝淫于市帝怒放之于西南季子儀馬而產子身人也而

尾蹠馬是為三身之國因提訖矣 禪通紀起于史
皇氏乃至栢皇栢皇以後命厯叙缺焉今按栢皇氏
後有中央氏大庭氏栗陸氏昆連氏軒轅氏赫胥氏
葛天氏尊盧氏祝誦氏昊英氏有巢氏朱襄氏陰康
氏無懷氏乃至大昊氏云

路史曰軒轅氏古封禪之帝在黃帝之前昔蒙莊氏
論至德之世軒轅氏後乃有赫胥而尊盧祝融次之
又後乃有伏羲神農黃帝其明著若是訊昔幣歛有

黃帝金而又有軒轅金封禪文識有軒轅氏而又有黃帝氏則軒轅自為古帝信矣後世惟見史遷紀黃帝名軒轅更弗復攷於古失之又曰昔在上世有聖人者教之巢居冬則為營窟夏則居曾巢而王天下號曰有巢氏木處顛風生燥顛傷燥天於是有聖人者教之編槿而廬緝糴而扉垣塗茨翳以違其高卑之患而避風雨以其革有巢之化故亦號有巢氏禮運所言有巢氏在遂人氏之前六韜所叙乃吳英氏

之後有巢也而汲書所說有巢氏為在夏商間誤矣
伏羲遂人始名物蟲鳥獸

按古三墳云伏羲遂人之子也因風而生為風姓通
卦驗云遂皇始出握機矩表計實而其刻曰蒼牙通
靈昌之成謂伏羲也故云遂人有傳教之臺伏羲立
十二言之教而魏淳于俊亦以為伏羲因遂皇之圖
以制八卦則羅泌置遂人于因提紀中未知何據黃
囊經云伏羲父葬震山下作丙放巽或代王世言伏

義無父其母感迹而生者妄也則三墳以為遂人之
子亦誣依命厯序反在伏羲後矣古學之難稽如是
有神人名石年蒼色大眉戴玉理

注玉理猶
玉英也

按禪通紀母安登感神於常羊生神農於列山之石
室生而九井出焉荊州記云井在山北重塹周之廣
一頃二十畝内有地云神農宅神農生處神農既有
九井育穿舊言汲一井則八井震動又荊州圖言永
陽縣西北二百三十里厲鄉山東有石穴高三十丈

長二百尺謂之神農穴神農生此老子亦生于此

又云有神人駕六龍出地輔號皇神農始立地形甄度
四海遠近山川林藪所至東西九十萬里南北八十一
萬里

按因提紀命白阜度地紀脉水道窳木方竹杭潢洋
而有亡達遂甄四海紀地形遠近山川林藪所至而
正其制近國地廣而遠國彌小負海之邦率三在地
呂氏春秋云神農分國近國地廣遠國地愈小海上

有十里之國與二十里也諸子言神農王天下地東西九十萬里南北八十五萬里所謂地過日月之表也

炎帝號曰大庭氏傳八世合五百二十歲

按因提紀古之有天下最長世者無神農若也故尸子曰神農七十世有天下豈每世賢哉牧民易也呂覽亦以神農七十世有天下而書傳止存八葉何哉黃帝一曰帝軒轅傳十世二千五百二十歲次曰帝宣

曰少昊一曰金天氏則窮桑氏傳八世五百歲次曰顓
頊則高陽氏傳二十世三百五十歲次是帝嚳即高辛
氏傳十世四百歲

入元三百四歲為德運七百六十歲為代軌千五百二
十歲為天地出符四千五百六十歲為七精反初以文
命者七九而衰以武興者六八而謀天人相應若合符
節

按禪通紀自伏羲以來以斗精受命者七神得間氣

而生者又二十有八所謂三十五際者也

博物志曰昔西夏仁而去兵城郭不修武士無位唐
伐之西夏以亡昔玄都賢鬼神道廢人事之謀臣不
用龜策是從忠臣無祿神巫用國榆罔氏之君孤而
無使曲沃進伐以亡昔有巢氏有臣而貴任之專國
主斷已而奪之臣怒而生變有巢以亡昔者清陽强
力貴美女不治國商伐之有洛以亡 此蓋史記解
之略也

河圖帝王之階圖載江河水州界之分野後堯壇于河作握河紀逮虞舜夏商咸亦受焉

五德之運同徵合符膺籙次相代

賁居曰上世之寶河圖猶三代之重神鼎漢以下之爭傳國璽也璽能存而不能亡有道者得之無道者亦可以力挾而奪之神鼎則不然能存亦能亡有道之主得之無道之國則不入矣若夫河圖或世見或世不見雖有興王非絕盛之德猶夫不

見耳雖然謂龜與馬果上帝之傳命耶上帝有命而傳之則何不生一窮靈亶慧四目兩口之人下教于義軒而語其詳乎夫天所生窮靈亶慧則孰有逾于義軒者義軒未嘗不傳天之言然而愚俗未必信固不若託諸不世見之神物以為天也然則當其世有仙矣有神矣義軒者何不召其仙若神而倩之言曰仙與神固非義軒所能檄也寢降于世其言有聞有不聞而愚俗猶將訝之曰人耳

人耳惟龜惟馬歟忽出河演然圖見里巷老稚爭趨謁之曰此烏乎來哉是復何書惟聖人能通其解耳安得不畏之寶之其實於天無與也在聖人者亦猶夫師螳師蛛之故智而已矣

桀無道地吐黃霧夏隕霜冬卞露

成康之隆醴泉湧出

孔子治春秋退修殷之故厯使其數可傳於後春秋宜以殷厯正之今攷之交會不與殷厯相應

魯僖公五年正月壬子朔旦冬至積獲麟至漢起庚子
部之三十三歲竟巳酉戊子及丁卯部六十九歲合為
二百七十五歲

古微書卷十三